



UKA 2019/127
15/10-2019
Nivi Olsen

Naalakkersuisut Atuarfik pillugu Inatsisartut inatsisaannik allannguinissaminni atuarfimmi klassimi ataatsimi atuartut annerpaamik 18-inik amerlassuseqartalernissaannik qulakkeerinneqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqatigijit)
(Siullermeerneqarnera)

Inatsisartunut ilaasortamut Peter Olsen-imut siunnersuuteqarsimaneranut qujavugut.

Meeqhat atuarfiat taassavaaq aaliangiisartutut sammisarpasuatsinni unammillernartoqarfiusutut isumaqatigiiffigisarput. Unammilligassarli nutaajunngilaq. Illuatungaani illi ukiorpassuarni isumaqatigiittarsimavugut meeqhat atuarfianni suliassamut pikkorissuseq annikippaallaartoq. Ajoraluatumillu suli arlaannaannilluunniit aaqqiiviginissaanut pisinnaasoqarsimanngilaq.

Tamanna uggornaqaaq, tassami nunatsinni ilinniarluarsimassusermik qaffassaasariaqarnerput ersarimmat.

Suliassarlu tamanna meeqhat atuarfianni aallartittariaqarpoq.

Tassaniippormi ilinniaqqinnissamut aqqutip tunngavissaata aallartiffia. Taamaammallu sumulluunniit iluaquutaangnilaq iluamik ilikkangaqarsimanatik ilinniartorpassuit meeqhat atuarfianniik naammassisarnerat. Ajoraluatumimmi ukumiik ukiumut maluginiarsimavarput nunanut allanut assersuuffigisartagatsinnut naleqqiulluta meeqhat atuarfianniik soraarummeerutini angusat annikippallaartartut.

Demokraatit isumaqarput tamatta ataatsimoirluta paasiniartariaqaripput qanoq iliorluta pitsaassusermik qaffassaasinnaanerluta. Aningaasanut inatsisisssatut siunnersuummut oqaaseqaatinni tamanna eqqaasimavara, tassa siammasissumik tamanna isigniartariaqaratsigu.

Qanoruna iliorluta meeqhat atuarfiat pitsaanerpaffimminiitsilersinnaagippit? Illutatigut pitsaanerusunik atugassaqarnikkut? Ilinniartitsineremi ilinniutinik nutartikanik peqarnikkut? Marlunnik ilinniartitsisoqarnermik periuuseqarnikkut? Ilinniartitaanermi akunnerit amerlanerit imaluunniit killormuanik ikinnerit atorlugit ilinniartitsisarnikkut?

Imaluunniit Inatsisartunut ilaasortaq Peter Olsen-ip siunnersuutigisaattut klasseni atuartut annerpaamik 18-iinnaasarnissaat aallanngortinneratigut?

Akerlilerusunngilara klasseni 18-iinnarnik atuartoqartassappat aaqqiissutaasinnaasoq, kisiannili aamma oqaatigisariaqarpara nunatsinni piffinni amerlasoorujunni klasseni 18-it sinnerlugit atuartoqartarmat,



tamannalu paasisimasakka malillugit, klasseni taamaattuni angusanik pitsaanerusunik takutitsiffiusanggillat klassenut ikinnernik atuartulinnut naleqqiullugit.

Taamaammat isumaqanngilanga silatusarnerussasoq siunnersuut manna imaalitsiaannaq akuerigutsigu.

Kissaatiginartinneruarali ataatsimiitaliap sulinermini ajornartorsiutit siammasinnerusumik isigniassagaa allannguutissatullu suinnersuuteqassasoq, siammasinnerusumik isigisumik periarfissanillu amerlanernik tikkuussisinnaangornissaq anguniarlugu.

Taamatut paasisimasaqluta Demokraatit siunnersuut Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiitaliamut sammineqarnissaanut innersuupparput.